

四庫全書

子部

欽定四庫全書

萬姓統譜卷一百二十三 明 凌迪知 撰

入聲

十二錫

狄 天水微音周成王封少子於狄城因氏焉

周 狄虎彌 魯大夫

狄儀 賢人

狄黑 衛人孔子弟子

漢狄山

博士諫武帝征伐

南狄當

海陵人中華書舍人

唐狄仁傑

字懷英太原人舉明經嘗赴并州法曹登太行山見白雲孤飛曰吾親舍在其下同府參

軍鄭崇賢母老且病當使絕域仁傑請代行長史蘭仁基義之曰斗南一人而已後以地官侍

郎同平章事委曲請武后還政中宗時封梁國公

狄兼謨

字汝諧仁傑族曾孫剛正有祖風文宗朝為御史中丞帝曰御史是朝廷紀綱一臺正則

朝廷治官尚書左丞

狄光嗣

聖歷初為司府丞武后詔宰相各舉尚書郎一人仁傑薦光嗣以稱職聞后曰祁奚內舉

果得  
人

宋狄青

字漢臣西河人風骨奇偉善騎射仁宗時西夏叛青為延州指使每戰飾以銅面具敵望之如

神後又討平儂智高累立大功拜樞密使卒謚武襄

狄希顏

并人梁公十二世孫任為徐州錄事參軍以子斐貴贈兵部尚書

狄承嗣

蓬州人母年八十忽病牀不起承嗣湯藥必親嘗夜則焚香叩天願以身代母卒哀幾喪

身負土成墳

廬墓三年

狄棐

字輔之長沙人舉進士甲科累官太常少卿知廣州遷龍圖閣學士歷知河中河南府有貴人

過河中言將援棐棐退謂所親曰吾湘潭一寒士今官侍從可以老而自汙耶弟歷官大理寺

丞子遵度篤於學好為古文  
著春秋雜說有集十二卷

狄明遠

大觀進士知撫州為政清  
明字民有方邗人祀之

狄遵度

字元規裴長子少穎悟篤志於學每讀書意  
有所得即仰臥瞪視人呼之弗應也以父任

為襄陽主簿居數月棄去好為古文著春秋雜  
說多所發明嘗惠時學靡故作擬皇子冊文除  
侍御史制裴晉公傳人多稱之尤嗜杜甫詩嘗  
讚其集一夕夢見甫為誦世所未見詩及覺纔  
記十餘字遵度足成之後數月卒有集十二卷  
所著石室鑿二江諸賦白雲秋月諸篇並稱鉅  
麗

狄諮

字君謀青之子熙寧中為閤門使奏事延和殿  
上問卿父有遺書存乎乃上平蠻記及戰陣圖

狄燠

字子炎梁公之後寄居南嶽以林泉自適喜吟詩詠柳云翠色折不盡離亭生更多

狄粟

字孟章長沙人好學自立知穀城縣時天下學校久廢粟即修建廟舍訓率子弟自是人知尚

文風俗  
淳美

明 狄崇

鳳陽人洪武中濟寧左衛指揮使開設衙門創造城池尋陞廣東都指揮使未幾特命統兵鎮

守雲南汶於王事令有司送葬  
濟寧遣行人諭祭刻石墓前

狄惠

溧陽人正統中  
任戶部主事

狄雲漢

字天章崑山人正  
統中湖口縣知縣

狄文宗

寧州人成化間知沁水縣抑強  
植弱以剛廉著吏民不敢欺

狄沖

正德進士歷戶部郎中

狄公唐

字信卿署指揮僉事正德五年掌山東都司事

狄應期

興陵衛人嘉靖丁酉舉人

嘉靖丁未進士狄斯彬深陽縣人萬曆間嘉湖叅將狄從夏臨清人

戚

東海商音衛大夫食采於戚因氏焉

漢

戚鯁

功臣表臨棘侯傳封七代

晉戚壽

著有禮義問十卷

南戚袞

字公文鹽官人梁武帝策問周禮禮記義袞數對無遺高帝時博士來懷芳自魏攜儀禮禮記

既祕不輕傳將亡謂家人曰吾死後戚生若至  
即以付之如其不至隨屍而殯其為儒者推許  
如此尋兼太學博士簡文召袞及諸儒講論次  
令中庶子徐摛質難辭辨縱橫諸儒懾氣袞精  
采自若領答如流撰禮  
記義四十五卷行於世

宋戚同文

字同文楚邱人幼孤養祖母以孝聞師邑人  
楊慤不終歲畢誦五經從其學者不遠千里  
而至既卒門人號堅素先生有集二十卷子二  
維以文行知名舉進士累官太常少卿綸篤於  
古學善訓子弟雖  
清顯不改純儉

戚如琬

金華人從呂東萊游篤於修齊之道連國子  
博士改知袁州政績大著甫受代而卒門人

私謚曰貞  
白先生



戚舜臣

字世佐楚邱人知撫州惠困窮扶善類除淫祀郡有號大帝祀者百餘所舜臣即除之後

官虞部郎中

戚維

字仲本同文子為隨州書記好為詩有孟  
唱 二十卷楊徽之嘗因使至郡一見相善多與酬

戚綸

字仲言維之弟知太和縣民險悍好訟綸為諭民詩五十首言近而易曉老幼多傳之每歲時與囚約放之暫歸祀先櫛沐民感之皆及期而還

戚方

中興名將

元戚敬

字秉肅嘉興人隱居事母極孝沒居喪哀毀過禮既葬廬墓有白芝之瑞又以木刻母像之事

其如生邦  
人稱之

明 戚存心

陞黃巖人洪武中登進士擢行人以才行見稱陞陝西布政司叅政未幾召為禮部侍郎

戚遜

宣城人幼力學豁達有大志洪武間任兵部主事累陞山東布政司叅政勤慎愛民夙夜無怠永樂初

大饑遜設法賑濟民賴全活者衆

戚元禮

瑞昌人洪武初知武昌縣時歷兵火荆榛彌望元禮勞來不倦撫集流亡創建學校其功

最鉅

戚寧

新鄉人景泰進士

戚瀾

餘姚人景泰進士

戚雄

字世英金華人由進士正德七年任建陽知縣平易近民鋤強扶善遷舊學置學田甫二載調

廣東南海尋

擢監察御史

戚賢

字秀夫全椒人嘉靖進士任歸安縣知縣政治精明鋤強祛暴賢聲大著陞給事中以言事謫

杜門好學有志聖

賢之學負時名

戚元輔

字希周嘉興人嘉靖癸丑進士歷郎中

戚元佐

字希仲嘉興人嘉靖壬戌進士歷尚寶卿

戚杰

字世秀泗州人年十九登隆慶乙丑進士歷吏部考功郎中年不滿三十而卒

錫

錫青之後望出樂安

漢錫光 西城人哀平時為交趾太守救民夷以禮義王莽篡位據郡不附光武嘉其忠節拜大將軍

南錫休 益州刺史

宋錫三錫 郡縣人崇寧進士

荻

漢荻救之 印藪

激齊太史激之後

漢激章 淮南王傅

惕

明惕龍

龍溪人正德中任瀧水縣知縣

析見風俗通衛公族大夫析朱鉏之後以王父字為氏望出西河廣漢音昔又析字

周析歸父

齊大夫

析公臣

楚大夫

漢析伯式

通京氏易好黃老言

析像

通京氏易

析國

鬱林太守

元析望芳

狄道人以巨家擢守臨洮偉績著於邊陲

鄺 新蔡微音黃帝支孫食采於鄺以邑為氏

漢 鄺商 陳留人高帝時為沛公略地至陳留商以四千人屬沛公於岐從擊項籍又從擊黥布以功封

侯 曲周

鄺食其 商之弟以儒者見高帝使說齊下齊七十餘城及韓信破齊以食其為賣已遂烹之漢封

其子齊為 高梁侯

鄺寄

字況商子與呂祿善大臣欲誅諸呂祿為將軍北軍太尉勃不得入乃使人劫商令其子況給

祿信之故與出游勃乃入據北軍遂誅諸呂是歲商卒謚曰景侯子嘗代侯天下稱况賣友也

景帝時吳楚反以寄為將軍不能下又寄取平原君為夫人帝怒下吏免

酈疥

食其子為高梁侯

酈終根

商玄孫武帝時為太常

酈炎

字文勝范陽人食其之後炎有文才解音律言論給捷多服其能當靈帝時州郡辟命皆不就

作詩二篇以見意其卒曰抱玉乘龍驥不逢樂與和安得孔仲尼為世陳四科其意氣如此性至孝遭母憂風病慌忽妻始產驚死妻家訟之叔繫獄炎病不能理對遂死獄中年二十八尚書盧植為之誄讚以昭其懿德

南酈道元

涿郡人為御史中尉執法清刻為時所忌遂遭為闕右大使平生好學歷覽羣書著水經

四十卷

鄺道慎

字善季涉歷史傳有幹局位正平太守有能名遷長樂相卒贈平州刺史

鄺道約

字善禮樸質遲鈍頗愛琴書性多造詣歷魯陽太守政清吏民安之

鄺廷

大將

鄺範

字世則涿鹿人大武時給事東宮大武踐阼賜爵永寧男加冠軍將軍還為尚書右丞

鄺暉

字幼和好學有文才尤長吏幹舉秀才射策高第歷位尚書外兵郎行臺長

鄺瓊

都統使

鄺仲隱

女幼敏慧父母欲以歸士夫以地寒不能自致值宋公喪偶聞鄺氏之風以幣迎之歸宋

族姻皆稱其懿行



明

鄺鏞

典化人任  
光祿卿

鄺朝用

嘉定人天順間  
石屏州知州

鄺埴

丹陽人正  
德舉人

萬歷間直隸績溪縣

丞鄺琬山陰人

歷

見姓苑

哲

見姓苑

十三職

卽齊大夫食采於卽墨因以命氏

漢  
卽費單父  
令

弋音翼蒲州有弋氏出河東

宋  
弋子元  
太平興國二  
年登進士第

明  
弋定遠  
嘉興人洪武中薦  
舉任交趾副使

弋謙  
代州人永  
樂進士

弋斌  
通州人永樂  
進士任御史

弋中  
南充人永  
樂進士

弋恂  
江陰人永樂中知鳳縣  
公勤舉職吏民信服

弋瑄

字廷玉景州人成化乙未進士歷尚書

弋福

四川人成化進士

弋孜

景州人成化進士

弋戡

定遠人廣東都指揮

弋恕

嘉靖舉人

萬曆間河東運同弋正子弋

千仞丙子舉人安邑人

國

下邳角音左傳齊卿族國氏代為上卿又鄭穆公子發字子國生軌字子耳生僑字子產以王父字為氏亦為國氏焉

周國莊

聘魯禮成而嘉之以敏臧文仲言於僖公曰魯猶有禮君其朝之

國武

佐鞍之敗使賂晉晉不可佐曰請合餘燼背城借一戰齊乃盟於袁婁鞍去齊五百里袁婁去

齊五十里開惠淫亂殺克以殺叛齊

國勝

佐子齊欲殺佐先使勝告高弱之難於晉使之出外

國弱

景子勝弟奔魯

國書

艾陵之戰為吳所獲

國僑

鄭人即鄭卿之子產也作封洹不毀鄉校制參辟鑄刑書上下有服都鄙有章孔子過鄭因與

之厚及卒泣曰古之遺愛也

三國淵

字子尼樂安人初任魏為司空掾屬每公朝議論常直言正色後遷魏郡太守太僕卿雖居列

卿位布衣蔬食祿賜散之故舊宗族以恭儉自守

宋國鳳卿

紹興初通判澆州金人犯城守棄城去鳳卿抗敵不屈而死

國幼聞

朝奉郎

國宗元

登進士第

國鼎臣

海州人

國宗堯

屯田員外郎

國涇

衡州人

明國璧

武邑人正統初知渭南為政仁恕有方歷九年有政聲沒世人不能忘

國臻

武城人正統中由監生任長興縣丞平易愛民九年考最陞本縣知縣始終一節令行禁止歷

工部郎中

國泰

武進人天順進士

國用

廬陵人天順中貢士任御史

國瑀

字朝佩濱州人成化丁未進士任御史

國盛

山東臨淄人成化進士歷工科給事中歷左通政當時稱其得大臣體

國志

安肅人成化進士

力 黃帝臣力牧之後出臨安

漢 力顯

魯王相

力子都

東海人光武時為徐州牧

唐 力僧護

江陵人父力昌死其母欲從俗薦父家貧不能悲哭不止僧護時年五歲謂其母曰何不

將兒賣以易錢母乃哽咽抱兒出市賣與蜀客得錢二貫薦之母卒以憶子目盲僧護隨客之蜀已三十年繼父母俱亡每念親母痛死者數後復還江陵尋母得見以母因已目盲中甚感傷逆齋戒稽顙叩禱天地以水漱口為母舐其目目遂明人以為孝感

五代 力彥能

權潤州

宋力珪

承事郎  
判湖州

力齊

晉江人  
紹興四年特奏名

明

力魁

臨淄人  
永樂中舉人任郎陽縣知縣弟助任知縣

力誼

順昌人  
宣德中尉氏縣丞

力叔明

閩清人  
弘治中任龍門主簿

萬歷間四川榮縣主

簿力晟宿遷人

稷

后稷之子  
子孫氏焉

漢稷嗣

上津令



墨 梁郡宮音孤竹君之後本墨胎氏改為墨氏

周墨初

字子朝夷齊其子也

墨允

字公信即伯夷也墨智字公達即叔齊也伯長子也叔少子也夷齊其謚也義不食周粟隱於

首陽山遂餓死

墨程

宋人著墨子宗禹之道韓文云墨突不得黔言急於濟人也列子云墨子悲絲謂可以黃可以

墨

唐墨君和

王鎔僕

墨麟

字士禎高陵人洪武中以國子生擢監察御史陞北平按察副使永樂初以城守功陞兵部侍

郎尋兼少詹事卒  
贈少保謚榮毅

墨芸

廣靈人宣  
德舉人

職

周禮職方氏之後以官為氏見風俗通

漢職洪

山陽  
令

唐職南金

開元間人  
註史記

翼

東海羽音姬姓晉翼侯居翼城因氏焉

漢翼奉

下邳人少篤學不仕治齊詩尤精律歷陰陽之術元帝初以諸儒薦徵待詔宦者署數言事宴

見天子敬焉上封事必探究經史  
窮極陰陽官至博士諫議大夫

明翼琛

秦州人成化中直隸清河縣教諭

直

漢國商音楚人直躬之後

漢直不疑

南陽人文帝時為郎同舍有告歸者誤持同舍郎金去金主意不疑不疑買金償之後告歸者至而歸金亡金郎大慚以此稱為長者景帝朝為御史大夫以功封塞侯

明

直廣

陽朔人永樂舉人

直凌霄

容縣人嘉靖中任河源縣知縣

勒

疎勒西域國名

漢勒尊

見印數

晉 勒滿 騎督

唐 勒思齊

歷陽人武后召見奇之授游擊將軍李白詩太古歷陽郡化為洪川在江山猶鬱盤龍虎

祕光彩特生勒將軍神勇百夫倍

明

勒思恭

餘千人洪武間莆田縣教諭

勒志敏

狄道人宣德中任館陶縣丞慈惠臨民多愛之

勒璽

字荆玉山東曹縣人成化己丑進士任主事

黑 羽音

明 黑旻

太原人常德百戶父俊功勝千戶

黑光翰

華陽人弘治舉人

嘉靖中光祿署丞黑賸河南人  
嘉靖丙午舉人黑士元洧川人

隆慶中遼東千戶黑元龍任叅將固始人

息

姓苑云襄陽人又鄖侯之後子孫以國為氏望出襄陽

周息媯

見左傳

息甯

晉桓帝以豫章改封息甯為桂陽郡公

息昌

周訪已擒杜曾欲出致於朝息昌息胤皆欲乞曾以報寃於是斬曾昌胤共腐食之

明息治

東光人弘治中任寶應縣丞

息光

東光人弘治中  
任儀封縣丞

息昭

山東博興縣人貢  
士嘉靖中任知縣

食

大食國名望出河南

漢食子通

河南人見  
風俗通

食于公

博士

救

音棘望出遼東

南北救勃

合浦公  
東夷人

植

望出南海姓纂云南越有此姓

宋 植廷曉

北漢  
將

明 植士謙

穎州人 洪武中任  
興寧縣學教諭

植軒

湖廣人 正統中  
任文昌縣知縣

植璉

容縣人 弘治六  
年任香山縣丞

植璽

安義人 嘉靖中  
任松溪縣丞

河南南陽府有植氏

特

平昌徵音又望出鉅鹿

周 特宮

晉大  
夫

賊

漢賊利

吳使利殺蔡昭侯而誅利以解過

默

見姓苑

明

嘉靖中陝西扶風縣丞默思道新樂人

德

見姓苑

漢德義

見印藪

棘

衛大夫棘子成之後後改為棗

周棘子成

衛大夫



肥 音尺見直音

明 浙江武康縣有肥姓

甝 音亦

甝 南甝 北甝 梁四公

殖 見姓苑

漢 殖 廣 見印

則 見姓苑

漢 則 長 見印

魯 古魯夫子孫氏焉

極 見姓苑

識 設聰切姓纂云人姓

鉞 見姓苑

北 必墨切高麗姓

塞 悉則切見姓苑天竺胡人有此姓

式 見姓苑

寔 見姓苑

億

見姓苑

虞

見姓苑

翊

見姓苑

克

見姓苑

夔

見姓苑

郤

音隙見直音

冢

音墨見直音

諛

音息見直音

稟 音直見直音

十四緝

習 東陽宮音習國名以國為氏

漢習響

陳相

三國習珍

襄陽人為零陵北部都尉孫權殺關羽諸縣響  
應珍舉兵權遣潘濬討珍珍謂曰我必為漢鬼  
不為吳臣月餘糧盡曰受漢恩厚  
不得報之以死遂伏劍自投

晉習鑿齒

字彥威襄陽人習郁之後博學洽聞以文章  
著稱晉桓溫辟為從事甚器遇之累遷別駕

觀覲非望鑿齒著晉漢春秋以裁正之凡五十四卷

習辟强

鑿齒子才學有父風

宋習之偉

寶慶進士

習志翁

吉安人寶慶中任寧都縣尹

習勝已

吉水人嘉定進士

明習成

廬龍人洪武中以才能擢用歷陞湖廣按察僉事

習韶

字尚鏞永豐人洪武中任長樂知縣以德化民勤於撫字遷兵部郎中

習嘉言

字尋樂新喻人永樂戊戌進士擢翰林編修歷侍讀太常寺少卿詹事府詹事為人篤實

沉重每有封章皆切時政

習侃

江西人永樂進士

隆慶戊辰進士習孔教江西廬陵人

汲

清河羽音衛太子汲之後居汲因以為氏又望出濮陽

漢汲黯

字長孺濮陽人性倨少禮不容人過景帝時為太子洗馬以嚴見憚武帝時為謁者往視東粵以便宜持節發倉粟賑貧民面折廷諍武帝憚之稱為古社稷臣不冠不敢見後出為淮陽太守

汲仁

黯弟官至九鄉

汲廉

彭城相

汲偃

黠子為諸侯相

三汲桑

為馬牧帥反撫軍將軍苟晞破之後晞沒於石勒

南汲固

孝文帝時為兗州從事刺史李式坐事被收吏人皆送至河上時式子憲生始滿月式大言於

衆曰程嬰杵臼何如人也固曰今古豈殊遂使潛還不過徑束入城於式婦閔抱憲歸藏及捕者收憲屬有一婢產男以婢兒授之事尋泄固乃攜憲逃遁遇赦始歸憲即為固長育至十餘歲恒呼固夫婦為郎婆後高祐為兗州刺史嘉固節義以為主簿

宋汲熙載

尚書郎知滁州

明汲時學

五樓人弘治中邯鄲縣丞

嘉靖中成安縣丞汲瑄邳州人  
萬曆間壽州判官汲宛福清人

立

唐立述

長興  
今

元立理威

至元中蜀初定世祖憫百姓傷殘擇近臣撫  
安以為嘉定路守時方以闢田均賦弭盜息

訟諸事課守令理威奉詔甚  
勤民安之使者交薦其能

明

立述

盧龍衛人洪武中任  
山西長治縣知縣

立子才

漢中人洪武中  
任潁上縣知縣

立陵

蘭陽人永樂中  
湖廣右布政使



五淵

大治人永樂中舉  
楷書授中書舍人

立望

順義人弘治中  
鳳陽府經歷

及

明及宦

字士顯交河人正德甲戌進士歷官  
戶部侍郎子及萬祺順天府通判

隰姜姓齊莊公子廖封於隰陰為大夫故以為氏

周隰朋

齊公族為大夫助管仲相齊嘗受命平戎於晉  
升降指遜進退閑習能辨辭之剛柔管仲寢疾

桓公往問其代對曰隰朋可朋之為人好上讖  
而下問臣聞之以德予人者謂之仁以財予人  
者謂之良以善勝人者未有能服者也以善養  
人者未有不服人者也於國有所不死政於家

有所不死事必朋乎人曰謂恩益虛與百姓詘  
信然後能以國寧勿已者朋其可乎言終喟然  
歎曰天之生朋以為夷吾舌也其身死舌焉得生哉是歲仲朋皆卒

隰斯

齊大夫

集

見風俗通

漢集一

外黃令

宋集守節

幽州人衛州都監

襲

晉襲玄之

隱士

南  
北  
襲為梁大夫

宋  
襲盍卿常寧人以明經擢第往師朱文公明義  
理之學入諫垣為右正言以直道事君

襲世榮藍山人  
三舉科

萬歷間揚州府學訓導

襲勗字克愨歷城人

戢見姓苑

周  
戢黎楚大夫廬尹也廬在今襄陽公子變子儀作亂  
比莊王出將如商密道廬戰殺燮及儀而以王

歸三年王使戢黎  
侵庸西及庸方城

嘉靖乙丑進士戢如止字敬  
之四川簡州人任給事中

浥

漢浥安

見印  
藪

疾

明

疾敬

清遠人弘  
治貢士

急

見姓苑

給

見姓苑

執

見姓苑

拾

見姓苑

邑 林邑國名在交趾南

萬姓統譜卷一百二十三

欽定四庫全書

萬姓統譜卷一百二十四 明 凌迪知 撰

入聲

十五合

蓋 汝南商音又望出漁陽洛陽音盍

漢

蓋延

字巨卿漁陽要陽人始與吳漢歸光武拜虎牙將軍從平河北有功累封安平侯自是拔擊攻

戰皆捷增封定食侯  
萬戶卒圖形雲臺

蓋寬饒

字次公魏郡人性剛直初以明經為郡文學以孝廉為郎舉方正對策高第遷諫議大夫

奉公守法不避權  
要終司隸校尉

蓋公

膠西人善治黃老言曹參為齊相使人召問之對曰治道貴清靜而民自定推此類具言之參

用其言齊

國大治

蓋裕

建武時為徐州刺史嘗授尚書古文於汝南鳳陽

蓋勳

字元固燉煌人初舉孝廉為漢陽長史後領漢陽太守時人饑相漁食勳殺廩之存活者千餘

人拜討虜校尉及董卓廢少帝自公卿以下莫不卑下於卓唯勳長揖爭禮

南蓋泓

著朱崖  
北蓋泓  
傳二卷

唐蓋文達

字文達冀州人博涉前載尤明春秋三家太宗時與十八學士之列其宗人文懿亦以儒

學稱時號二蓋文  
懿官至國子助教

蓋椿

字壽之其先上黨人五季之亂徙居臨漳值歲饑採野豆芻米以奉母兄及亂定乃率妻子剪茅樹宇墾田植桑營為世業時元好問杜仁傑曹祖張文舉皆與之游

五代  
蓋上行 守蘓州

蓋寓

李克用  
大將

宋  
蓋稠

宣和六年  
知臨州

蓋涇

開封人戶  
部侍郎

蓋源



蓋沂

蓋寓

大名人  
俱登科

蓋傳

兗州人

金

蓋時敏

字志學臨清人金末兵亂人多逃竄時敏生  
踰月父母逃急啼不止棄之東郭外草中兵

退十九日涕泣尋而瘞之見其神色明潤木葉  
覆庇其身免乳之草驚兔走口尚有乳汁方知  
免乳及長常以積善為務其居家好施予年老  
如童一日無疾召集親朋攝衣冠危坐取筆書  
偈云七十五年人間住強忍臨清是鄉故來亦  
不知何處來去亦不知何處去回首之時一事  
無但留三寸西村墓子孫必欲問行蹤萬里春  
風獨自步揮筆端坐而逝葬之日羣鶴百餘盤

其上葬  
畢始散

元  
蓋苗

字耘夫元城人性孝友學術淳正延祐間進士授單州判官累遷至陝西行臺御史中丞卒贈

魏國公諡文獻苗平居恂恂謙謹及遇事張目敢言雖經剝折無少回撓有古遺直之風

明  
蓋恒弼

洪武初道州同知時變亂之餘郡民多流徙外境聞恒弼廉明寬恕咸歸焉民以寧謐百

廢具舉秩滿  
陞本府知州

蓋天麟

洪武三年知興化府時天下初混一天麟既定郡邑公署重新廟學乃更政事變風俗功

澤在人至  
於今未泯

蓋霖

孟縣人洪武初任禮部主事以事繫獄父伏闕陳情上有之

蓋仲良

嘉祥人洪武中以人材任御史

蓋彥復

利津人永樂中德安知縣

蓋緩

絳州人正統間知白水有善政

蓋華

安東人景泰舉人

隆慶庚午科舉人蓋國士永年縣人萬歷間伏羌知縣蓋泉達德州衛人

合子姓宋向戌食采於合出憑調

周合左師

宋大夫

明合舉

大同人宣德中任朔澤知縣

合通

應州人天  
順舉人

合輒

壽州人成  
化貢士

合澄

應州人弘  
治舉人

合鸞

應州人正德中  
山東蒙陰知縣

沓

官氏志沓盧氏改為沓氏

南  
北沓龍超

性尚義俠少為里所重永熙中梁將樊文熾  
來寇益州刺史傅和孤城固守龍超每出戰

輒破之時攻圍既久糧矢方盡刺史遣龍超夜  
出請援於漢中為文熾所得許以封爵使告城

中曰外無援軍宜早降乃置龍超於攻樓上龍  
超乃告刺史曰援軍數萬近在大塞文熾大怒

火災殺之至  
死詞氣不撓

納

見姓苑又風俗通云亦姓

明 納臺

關人永樂中  
任常德衛千戶

盍

見姓苑

宋

盍著

嘉祐七年以殿中  
丞知常熟縣事

闔

見姓苑

明

闔謹

蘇州衛人成化  
舉人任知縣

闔勝先

隨州人弘治  
中任御史

闔英 隨州人弘治中任知縣

塔

元塔海 廬州路總管時飛蝗北來民憂之海禱於天蝗引去亦有墮水死者人皆以為異民乏食開廩

減直俾民糴之所活甚衆

郇 官氏志莫干氏改為郇氏焉

盞 古盞字見纂要

厓 古闔字見纂要

領 遂人之族左傳有此姓



荅

見姓苑

十六葉

葉

南陽羽音風俗通沈尹戌生諸梁字子高食采於葉

因氏焉

周

葉公見論語

三國

葉雄吳都尉

晉

葉譚零陵人清簡有節操至洛陽舉孝廉王濟謂譚曰君吳楚之人也亡國之餘有何秀異而應斯

舉譚曰君不聞明珠大貝生於江海之濱乎武子無以對後除郎中拜太子舍人遷祕書監

葉子韶

建昌人有道術辟穀服氣嘗獨居忽有一白衣人言君道德臻備仙籍寔升當在人間役

使鬼神其後能立致風雨驅雷電  
救人疾疫其應如響不知所終云

唐葉京

字垂孫建安人工詞賦咸通中舉進士為太常博士州人登第自京始

葉法喜

處州人明皇贈詩云清溪道士人不識上天  
下天鶴一隻洞門深鎖碧窻寒滴露研硃點

周易令處州有點易亭授  
銀青光祿大夫封越國公

葉顥

建州刺史武德初郡有妖賊作亂顥嬰  
城捍賊城陷不屈而死郡人立廟祀之

葉法善

撫州人傳陰陽卜筮符咒之  
術開元八年卒年一百七歲

葉一源

字九江松陽人幼有志操能詩書習騎射見  
唐高祖克長安一源兵千餘問道趨太原高

祖使典機貞觀十三年從太宗征高麗單騎陷  
虜斬首二十餘級身中流矢馳歸而卒事聞追



諡武義侯

五代葉溫琪

宋州下邑人梁末帝時累以戰功為棣州刺史時州苦河水為患溫琪徙新州以避之民

賴其

利

葉翹

宣徽使博雅正直為周王帥

宋

葉參

烏程人宋初州人葉儒者寡參卓然自立咸平中登第累官兵部郎中出守鄉郡子清臣

葉清臣

字道卿參之子天聖初進士仕為兩浙轉運副使疏太湖盤龍漚瀆港入于海民賴其

利累遷翰林學士三司使知河陽為人爽直數言天下事皆當時可施行者有集百餘卷

葉虞仲

玉山人通判江州持身甚廉殿陽修嘗與書往來其邦人有解官歸者遺斥田數十頃以

誇虞仲虞仲笑曰吾貧甚不能  
辦此請以二十五櫃書當之

**葉齊**

字思可建陽人端拱初進士第一為館陶令會  
契丹擾邊太宗幸河北或言齊督糧芻不足將

加之罪齊曰使敵聞此將輕中國以  
臣計之糧可充十年太宗悟而釋之

**葉林**

壽昌人身長八尺筋力過人善武藝能騎射天  
禧中開武舉林應試得魁選鄉人稱為葉狀元  
授殿前捲簾使後以疾回亭于家里人肖其像  
於東嶽廟號左金吾使至今名其所居曰狀元  
坊

**葉杲卿**

名曙以字行錢塘人生而穎拔讀書三試開  
封率高等用嘗試御前恩授鄭州長史司法

桂州卒贈太子中允杲卿在桂有吳謚為象州  
武化令而死其妻挈二女歸閩至桂而妻又死

果卿哀其無歸娶為二子婦焉師事林逋逋篇翰為當時二絕果卿盡得其妙天禧末錢塘有巨石浮于江太守問逋逋以問果卿乃按樵子五行志以應曰其當在萬乘乎未幾真宗上仙於是人服果卿多聞二子昌言祕書丞昌齡也田員外郎俱同年進士第皆以學行政術知名

葉衡

字仲興饒州德興人至元間興化縣尹秩滿而去民立碑頌之其略曰民苦賦役侯為優助民苦盜賊侯為戢捕治其吞併仁讓以興治其虛誕訟獄以清徹膳罪已早嘆斯息泣告於神郡虎屏迹我有田野侯開耕之我有學校侯作興之侯之愛民如母獲子民頌受屢經負而至三年善政感人至深前

蔡俊葉實樹我心

葉賓

景德二年進士知南安縣民有訴盜截牛舌者賓陽叱去陰令屠之果有告私屠牛者賓謂之

曰截牛舌者汝也訊之伏罪官  
至都官員外郎南劍州通判

**葉蓋**

平陽人熙寧中以才雅賦魁上  
庠見者目為南瑞累官知郴州

**葉濤**

龍泉人進士乙科為國子直講坐事免官從王  
安石於金陵為文紹聖中為秘書省政事編修

仁宗史進校書郎後以龍

圖閣待制提舉崇禧觀

**葉康直**

字景溫建州人擢進士知光化縣時豐稔為  
穀城令皆有善政人敬之曰葉光化豐穀城

清如水平如衡元祐初知秦州河中府

亳州進賢文閣待制召為兵部侍郎

**葉祖洽**

字惇禮邵武人熙寧三年廷試陳數千言謂  
穿古今權進士第一發書奉國軍判官累遷

給事中知濟汝等州

加徽猷閣直學士

葉致遠

熙寧中為直學士王荆公贈以詩有冠蓋傳果葉之句

葉秉

字彥成時罷詩賦以禮經登第哲宗朝召試除秘書省正字遷校書郎尋授禮部員外郎後以

朝請大夫知福州政尚平易民甚安之  
子煥省試第一歷帥名譽遂登禁從

葉賁

字仲賁建安人為贛縣尉居官不能俯仰罷去再起為宣城丞久之胡奉新令不赴少嘗著易

傳推明太行之穀  
時號為精確云

葉廷珪

字嗣忠知德興縣張邦昌為詔至不拜中興差至福清縣采賈鹽利害作圖及書上召為

太常寺丞補中祕府輪對議與秦檜不合出知泉州漳州廷珪篤學淳雅名重當時葉顛陳俊

卿黃祖舜鄭丙皆出

其門有梅錄三十卷

葉蒸

字實之義烏人知荆門會建講築城東  
蒙二山之嶺蒸執不可遂解印綬去

葉三省

字景曾壽昌人以太學生釋褐仕為中書舍  
人宣和中一歲五遷歷寺監幾遍轉尚書右

侍郎中建炎扈從陸左司除起居郎權給事中  
以直龍圖閣知宣州丐祠用太后回鑿恩封遂

安縣男紹興二十二年坐閔

為非落

職筠州居住尋再與祠復元封邑如故

葉居申

興化軍人元符中第進士宣和末除通判陸  
州道聞方臘竊發從吏勸勿行對曰吾為州

佐避難是不臣也叱馭而前與賊

戰不利衆欲擁之去不可遂死之

葉常

字權之浦城人紹聖中進士甲科授太學正遠  
博士大觀初除太常博士遷工部員外郎累丐

祠補外出知河中府常

喜作詩有文集五十卷

# 葉安節

字亨之浦城人第進士調鄆縣簿有海晏太邱靈巖三鄉介山谷間王安石嘗鑿巖起斗

門於海濱未就而去安節踵成之三鄉蒙其利  
逆至富饒改宣德郎知諸暨縣發姦捕伏政疏  
神明辟管當陝西轉運司公事調為諸王宮大  
小學教授遷太府丞移知吉州袁州官至朝散  
大夫

# 葉顥

顥之兄也政宣間與顥徒步入京師並隸太學  
博士弟子員金人南侵朝廷始設武藝謀畧科  
顥平日尚養好謀習騎射至是首中其選授承  
節郎隨大將劉延慶為京城東北守禦官然是  
時天下事壞已極金兵攻圍日急顥度其勢必  
不可支召顥謂曰吾兄弟被義方之訓當勉於  
忠孝然是不可兩全吾已受命當登陣死戰以  
盡臣節爾其歸養父母以供子職可也顥曰兄

言及此吾亦何憾因相對涕泣而別顏遂登陴力戰死之

### 葉確

宿從子元豐八年進士第時鄉人秦京當國確與未宗皆其內姻知其必敗未嘗一詣其門後欲除確蘇州守令人約一見然後上請確豁然掛冠以去未幾京果敗終河北提舉

### 葉夢得

字少蘊吳縣人清臣之曾孫也嗜學蚤成多識前言往行談論壘壘不窮紹聖中進士累官翰林學士戶部尚書數上疏極論時事以崇信軍節度卒贈少保

### 葉默

字彥思建安人第進士徽宗時知泗州會詔改宣梵院為神霄宮默極論漢唐之主崇信方士廣建真館使民力困於興作財用廢於土木非所謂我無為而民自化我好靜而民自正明道

閩教為生民福也疏入摘郴州



葉楠

貴池人謫都陽尉力請蠲租以救荒滂後為績溪令邑人歌曰前有蕪黃門後有葉令君所著

有知非集精金訓鑿

家童記凡八十卷

葉衡

字夢錫金華人紹興中進士負才足智善理兵事顯有成績由州縣不十載致位宰相卒贈資

政殿

學士

葉大用

玉山人紹聖間任武職金人侵汴大用從戰陣於狄後全軀以歸高宗親書拔身歸國節

義可尚八字牌面賜之嘉熙

初授西京路兵馬副都監

葉顯

字子昂仙游人元顯死節紹興中進士知常州或勸其獻羨餘當得美官顯曰名羨餘非重

征則橫斂也以利易賞心實恥之後官至宰相

識大體抑僥倖服食田宅不改其舊卒謚正簡

葉綰

閩人紹興十七年知龍泉令行禁止訟牒至庭灼見誠偽民所爭辨必曉之以理委曲開諭其抵罪者咸自輸服習俗好爭綰教以懲忿息身養生率多感化先是邑佐括民老病以為隱丁抑之輸納綰驗而免之邑人至今頌其遺愛

葉義問

字審言壽昌人登建炎二年進士第慷慨多大節為小官即疏時相姦邪分教上饒獲郡印輒發常平米賑饑高宗器之擢侍御史紹興二十九年為吏部侍郎兼尚書陞樞密院同知進知樞密院事上御書曰義問到處是朕親行八字於旗以賜之遂有米石之捷孝宗即位封

新安郡侯資政殿大學士提舉洞霄

宮所得俸祿周故人貧士卒諡忠簡

葉時

字秀發仁和人操履端凝與朱文公相友善累官至龍圖閣學士卒諡文康所著有禮經會元

竹野  
詩集

葉適

字正則永嘉人淳熙中登進士第雄文奧學推重當世雅以經濟自負紹熙中徧歷華選嘗密助趙汝愚定策上疏辨朱熹之誣官至寶謨閣學士卒謚忠定所著有水心集等諸書

葉味道

字知道温州人刻志古學師事朱熹嘉定中進士調諤州教授理宗訪問熹之徒使者以味道聞授大學博士兼崇政殿說書開導引翼切於治道所著有四書說大學講義經筵口奏

事故

葉匪躬

永豐令政績甚彰縣之東惟陂久廢匪躬復興築之至今民賴其利

葉寅

字直翁邵武人少時飄蕩豪爽方士繇語之曰以子之才俊何善不可為乃甘心里巷以辱其

身耶實感泣問過可改否曰惟狂克念作聖於是奮勵修飭登朱熹之門問學精詣言行準繩

鄉人敬

歎之

葉謙亨

孝宗十八年進士復中博學宏詞科文章藻繪士林推重累遷起居舍人兼權中書知撫

州終浙江提點刑獄所至發摘奸盜人皆信服文集五卷外制二卷奏議一卷子高以世賞仕

朝散大夫

葉采

字仲圭邵武人初從蔡淵受易學已而徃見陳淳淳以其好躐高妙而少循序就實工夫屢折而痛砭之采自是屏銳鋒鉞俛意聞 駸超著實淳深喜之竇慶初為秘書監聞 郡守俞刻

之害上嘉納之

葉文炳

字晦叔調晉江薄遲次家居遂致書請益於朱熹炳及官熹自漳浦還告以居官臨民之

法甚悉時顏師魯為守會詔內外從臣舉可為執事官者師魯以文炳應秩滿調劍浦令改闕縣丞調筠州錄參文炳在官潔己愛民初終一意秩滿造朝上便宜三事通判和州官至奉議郎賜緋魚袋

葉惟休

東陽人淳熙中以迪功郎為州學教授建議復霽院先是院火于兵秋試率于學宮非鄉

舉意及丁祭釋奠至假于佛宮是祭於野地惟休力言其非遂復試於寺後卒改建焉蓋惟休

倡議之力

葉大有

字謙之顯從曾孫紹定中省試第一歷侍御史右諫議大夫除寶章閣直學士出入館閣

言路十餘年誅疏三百二十餘奏若儲嗣紀綱  
人才及根本之慮有四又薦蔡抗可用皆士論

所歸

葉崇

字次魏顯之孫以祖任入官累遷知邵武軍陞  
辭奏事乞法孝宗上問取法何先崇言孝宗治

效不出仁孝勤儉四字俄而由大府登出知台  
州紹定初權浙東提舉賑饑蠲稅築堤以防水  
患台民德之圖像祠焉以直徽猷閣知紹興府  
坐忤權要請祠起知太平州寧國府再予祠召

為將作  
監而歿

葉薦

字宋穎建安人第進士紹興中為福建帥幕汀  
飛作薦被徵招懷直造築穴諭以禍福寇悉聽

命調羅源令率民築白柯塘以捍田闢官獲強  
盜余二十人在法縣令當被賞薦闕從輕典釋

之

葉子儀

侯官人文章博洽有絳毫集及易玄神契行於世

葉立志

字仲愿確曾孫淳熙十二年第進士調南縣尉縣有死獄檄往驗視一屍無首人皆難之

立志焚香告天夜設榻屍側夢神人曰死者之首投於溪北殺之者已遁於潮之小江矣明發急詣溪北尋之果獲移文至小江捕之見一人磨刃江側捕者詰之曰汝非南安殺人者乎其人驚怖刃墮地於是就擒一鞫即服人稱其神改知上饒縣有廉聲官至惠州通判子哀奉議

郎通判

泉州

葉賀孫

龍泉人蚤從朱文公游官至校書郎嘗編輯朱文公語錄卒謚文修學者稱為西山先生

祠於  
學

葉夢鼎

字鎮之寧海人。以上舍釋褐授信州推官。歷知素吉贛三州。隆興建寧府。皆有善政。累遷

兵部尚書。簽書樞密院事。封臨海郡公。咸淳中。少傅。右丞相。兼樞密使。與曾似道不合。引疾

辭去

葉惟周

松溪人。少孤。事母竭力。母多病。躬完醫業。湯藥一日。毋自外家。遭疫。還其家。死者六七人。

惟周在側。頃刻不離。疫不能染。母病亦愈。及母終。哀毀骨立。喪葬一循家禮。鄉人稱之。

葉秀發

字茂叔。金華人。師事呂祖謙。弟子之從學者。歲數百人。嘗著論語講義。以誨諸弟子。且曰

聖門授業之源。無過此書。後知寧縣。高郵軍。皆有異政。更多奇節。



葉堯冥

字廷瑞，崇安人。調鄂州通城尉，以捕獲首賊王劉功改秩。歷知清遠、將樂二縣，為政以慈。

祥著稱，又嘗論福建鹽弊及進兵財宰相，進取風俗論，終南安倅。

葉由庚

字成甫，義烏人。生而口喫嗜讀書，試有司，不中選。起意進取，與金華何基、王柏辯析理學。

不立異，不苟同。虛已精索，必求真。是之歸，其詢學者曰：古之人知行並進，若謹蔽於文字間，待其知至而後行，是終無可行之日也。人以為名言。

葉李

字太白，一字舜玉，杭州人。少有奇質，從學於太學博士義烏施南。學補京學生，鄂州團解。似道

自說以為己功，益驕肆。自顧中外，毋敢指議。李乃與同舍生康樞而下八十三人伏闕上書攻似道。似道似道大怒，知書稿出于李族，其黨臨安尹劉良貴誣李，借用金飾齋扁，鍛鍊成獄。竄漳州。

似道既敗乃得自便會宋亡歸隱富春江淮  
行省及宣憲兩司爭辟之置蕪杭常等郡教授

俱不

應

葉夢鱸

建安人應聘赴臨安少帝北行遂隱於  
西甌以講學為事有經史旨要及文集

元

葉荆才

尤溪人幼時丰采特異丞相巴延遇於道命  
載後車歸既而第進士官至總管嘗使閩度

分水關見逐者輒謙抑  
似無爵位者人益重之

葉景仁

字天德松溪人為浦城縣尹閩中盜起景仁  
率眾勦捕為賊所害其子雋聞之傾家資殺

賊載父屍還事

聞授以官不受

葉雋

字良弼松溪人讀書通大義有好行祖母年高  
足疾不能動履雋與姊妙孺昇而起臥者五年

至正乙未間父景仁死於賊傾家資募壯士從  
間道入賊境殺其渠魁載父屍以還事聞授南  
豐州同知力辭不拜廬於墓側旦  
夕悲泣芝生隧道自號湛盧樵者

葉顯

字伯印吳縣人父國英個儻好結海內名士故  
顯學有端緒尤長於詩元季中江浙行省鄉試

署和靖書院山長於詩元季中江浙行省鄉試  
炳文薦於朝顯力辭益放情山水自稱立辭史  
字周道一字履道上虞人有學行洪武三年進  
士除定襄縣丞八年坐累謫士五湖西者喜從

明  
葉砥

砥遊建文元年詔求賢陝西按察羅副使臨江  
知府劉鵬上虞知縣李淮中皆薦砥史才召為  
翰林編修修國史或又薦砥才任風憲改廣西  
按察僉事永樂初坐修史書文帝事多微詞被  
逮籍其家惟簿田廬故書數篋事曰仍與史事  
書成改考功郎中尋副總裁永樂大典侍講東

官郎中三考加俸二等職如故砥重聽誤謂投  
他職上為寫授砥砥不自安求去不許請郡得  
饒州知府年八十卒於官

### 葉伯巨

字居昇寧海人好讀書弱冠有名於鄉為縣  
學生長通經術陞入太學洪武八年詔諸生  
分教北方伯巨得平遙縣待諸生如子諸生亦  
愛之如父兄九年星變下詔求言謂人曰今天  
下有三事其二事易見而為患小其一事難見  
而為患大此三者積於吾心久矣縱不求言猶  
將言之况有明詔乎即為萬言書言三事其略  
曰分封太侈也求士太急也用刑太繁也所謂  
分封太侈者天子畿內地止千里而秦晉周楚  
踰千里之國以封年少未達事之王無事則易  
驕佚有事則易為僭逆此人所未知而臣所謂  
患難見者也書奏上大怒曰小子何敢間我骨

肉我見之且心憤况吾兒見之耶連取以來吾將手射之而啖其肉居昇至丞相乘上喜乃敢

奏詔逮繫刑曹

問狀病死獄中

葉子奇

字世傑龍泉人少好學博物洽聞嘗以究極天人物理自負洪武十一年逮獄以瓦研墨

有得輒書事釋家居因繕成之號曰草木子所著又有太玄本旨範通靜齋集詩宗闕等書

行於世

葉琛

字景淵麗水人元季兵亂從參政舒穆魯宜孫討寇有功授行省元帥歸附本朝授管田司僉事

守洪都寇陷洪都琛遇害追封南陽郡侯

葉宗可

字宗可鄞人通經博史工文詞登進士尋署刑部侍郎未幾以父老乞侍養上允其請既

歸辟為郡庠訓導適父就戍瀕發宗可白於當  
道求以身代父得考終於家知者重其孝行荐  
授國子學錄陞助教師道尊嚴士類有造而剛  
介有守不苟交接祭酒司業而下莫不敬憚之  
葉希賢 一名雲松陽人洪武中舉賢良任御史壬午  
六月之變家人驚潰相失疑其已死乃發喪  
以衣冠歸葬希賢嘗從亡在外隱姓名削髮為  
僧好事者異之為建刹於蜀重慶之松柏灘以  
之居

葉良器

寧海人慷慨有大節元擾攘能保障鄉里歲  
己亥總制官胡深薦為千戶勦山寇及征方

谷珎克平陽城陞萬戶深入敵境被獲不屈遇  
害事聞詔存恤其家胡深有詩哭之曰黑風吹  
浪血腥飛正是將軍效死時耿耿孤忠冰雪凜  
昭昭大義日星垂鄉邦安堵人懷惠總帥旌賢

祭有詞媿我蘭臺曾秉筆姓名忘逸重嗟咨

葉惠仲

初名見以字行臨海人與兄夷仲並有文名稱二葉為方孝孺所知惠仲初任廣武衛知

事陞知縣建文初以知縣充史官修高廟實錄二年同考禮部陞知府永樂元年二月坐修實

錄時書建文事為逆黨論死籍其家

葉宗行

上海人永樂間以言事稱旨擢知錢塘縣清白自將均徭役闕民甚親之卒於官浙

江按察使周新自錄文祭之曰惟錢塘之山水與公萬古同清

葉銘臻

字維新慈谿人永樂進士少以文名詩得盛唐風度每為舉主解縉所稱賞時韓王素愛

士一見悅之遂乞除為府伴讀王改封於東憲歸得先與祭酒陳敬宗齊名鄭瑤來守郡造廬

求見時銘孫杜門已久謝不出鄭珞曰來求作  
府堂記耳何拒之深也乃出見惟如平生延至  
郡齋援筆為記鄭珞謹服立碑堂隅其居家動  
遵禮度不威自肅士大夫語家法之善者以為  
稱首所著有詩籍二卷居家  
集三卷後子孫世登仕籍

### 葉好文

交河知縣為政專尚德化故刑不用而民畏  
初以一牒牛駕車之任後產三擔比徵去留

猶與貧民為耕  
縣民至今頌之

### 葉彬

字允均建安人父濬永樂丙戌進士知鄱陽縣  
一日公出暴水壞廨垣彬祖母令人撤板榻以

權蔽離家發其事彬母聞法當論死欲以身代  
彬時年十歲即自詣官首實得收贖後都察院  
疑其獄速問拷掠再四終始一詞甫得聖裁宥  
免未幾父卒祖母亦故彬與母同扶二柩還家



母誓不再醮躬親紡績以給彬學後  
彬學有成歷六安廬城二學教諭

**葉宜**

字守義南平人自幼穎敏比長入鄉校有聲永  
樂十年第進士除銅仁府同知丁艱服闋除戶  
部郎中遷知衛輝府陞浙江布政司左叅政歷  
官盡職寬嚴適宜務與民同其好惡吏畏而民  
之愛

**葉春**

字景陽海鹽人警敏有才識起邑掾永樂初尚  
書李至剛薦之授禮部主事累官福建叅政宣  
德中朝廷以浙西蕪松諸路多賊吏奸豪詔  
大理胡禔及春巡察之尋擢刑部左侍郎

**葉恩**

字九成臨海人永樂甲戌會  
試第一二甲進士歷布政

**葉錫**

字玄圭永嘉人宣德進士知吳縣以事卓偉大  
臣察舉天下吏治第一錫宴歷寧國知府為政

一本於誠雖有  
力者休之不動

葉禎

字夢吉高要人少有大志剛果不阿宣德乙卯鄉舉歷知慶陽府在任廉介導民以義民樂為用洞賊叛禎領兵與賊戰姪公榮戰死禎身被數鎗猶手刃一人與子俱死事聞贈禎朝列大夫廣西布政

司右叅議

葉盛

字與之昆山人正統乙丑進士授兵科給事中仕至吏部左侍郎卒諡文莊盛溫雅簡重崇道誼尚名節思跂古人居家悃孝友蒞官清慎勤論事不激不隨其取人先行檢而後才藝終不計人過門無雜客公退手不釋卷考古辯疑殆忘寢食而於聲色財利之外澹然不以動心惜乎大用未究而卒

葉秉乾

同安人慷慨尚義正統辛酉歲饑出稻二千石入官儲以賑貧民歲己巳沙尤寇發延及

諸邑秉乾倡義率民兵屢戰不利被擒賊脅其從己罵曰我奉義討賊不幸力屈連殺為幸豈從汝反邪賊猶不忍殺諭之數四不屈而死成化初御史涂棐奏旌其門曰忠義

葉子雲

寧海人古朴老實義利分明舉為三鄉老人正統間閩寇竊發都御史陳詔提兵勦捕巨

魁解去餘黨未平將誓師洗之子雲詣軍門白曰子雲能以寸舌退此賊不勞寸兵禮遣子雲單步賊賊享子雲夜出女子四人侍寢就菜覆白金一盒為餉子雲謝不受賊義之釋其巽言一夕適散子雲藉所乘輜重井婦女四百口入官給主陳錄其功議報以官子雲以老鈍固辭不受

葉溥

字思周永嘉人自幼喜讀書詩句肆口而成習舉業為莊郡博門人正統甲子為鄉試麟經之

魁同年周文莊公雅重之定為膠漆友溥後為大冶邑令政治寬簡清操如布衣時及以疾乞歸行李蕭然皆去時所攜物也士民思之請列於名宦祠子喜雨繼為修仁令亦尚名節擢守永安州人以溥家教云

葉冕

字拱辰上虞人正統乙丑進士歷都御史

葉淇

字本清山陽人登景泰甲戌進士歷官廣西按察僉事時南丹土官莫必勝為寇奉敕襄定城柳城洛容以過流賊高水通粟以濟饑民陞陝西副使以過岷州故寇擊殺控丹阿十肉二首賊又平洮州累陞僉都御史巡撫山西修築城堡罷土兵戍邊之不便者後拜戶部尚書沮內

登莊田之請  
進太子太保

葉瑄

字廷懋華亭人景泰  
甲戌進士歷布政

葉贄

字崇禮山陽人成化  
甲申進士歷侍郎

葉永秀

字汝實東莞人弘治庚戌進士授烏城知縣  
清慎公勤力鋤強惡邑有水患連年饑劫倉

收十無一二乃設法修築流港四十八條石橋  
四十八孔以疏之民得以耕而輸賦焉擢湖廣  
道御史審滯獄雖餘喘必訊其情凡可以生之  
者即為辯理正德丙寅巡按北直隸推抑權橫  
論奏剴切執政惡其直巡按未滿遂出知湖廣  
永州府賊理誣以事兩拿就廷尉不得死竟奪  
職歸庚午瑾伏誅乃起補知河南衛輝府未抵  
任陞陝西按察司兵備副使卒於官士林惜之

葉海

字用深慈谿人生而秀朗勇於為學由弟子員入太學六堂諸宿儒咸為推重初授湘潭知縣

平恕明信既三年縣遂稱治用兵部侍郎李公薦召陞平度知州州民素驕悍為州者舉手高下輒落其機牙禁不敢何問海至一繩以法首除雄姦鄭洪被中以飛語繫刑部抱慙而卒與論惜焉

葉溥

字時用龍泉人弘治乙丑進士歷布政

葉珩

字鳴玉莆田人正德丁丑進士歷府尹

葉應驄

字肅卿鄞人正德丁丑舉進士官刑部主事精核法比操執不阿己卯廢倖道上南巡偕

諸曹伏闕諫罰跪五日杖之朝濱死甲申議大禮復偕廷臣伏闕諍下詔獄又杖之濱死時潮陽

陳沈獄起諸曹司以沈官給諫素鷓張無狀而  
所坐又愾淫殘酷敗倫納叛種種大不法又善  
鬼蜮媚時宰卒不可誰何羣踞踏不敢前乃以  
屬應驄慨然南牒巡按藩臬公蒞凡七訊而獄  
成遂具上寘於典而時宰竟寬之除沈名為民  
遽守吉安丁內艱居家而沈覆出為惡詆奏反  
噬時宰右沈遽械繫應驄下詔獄聽廷詰呵譴  
折辱萬不能堪而應驄挺挺對曰驄故法吏也  
所持三尺耳必欲直沈枉驄惟諸公自為如明  
神國憲何哉是日黃霧四塞大風拔木乃詔停  
刑從輕擬落職為民無何沈復橫詆奏必欲啣  
應驄而時宰復右之乃竟謫戍遼東鐵嶺明年  
明堂大享禮成單恩還應驄官然竟弗復致終  
平生侃侃論議天下事無不當肯綮即危疑變  
故才智人懦不敢吐氣而應驄身肩之不煩餘  
力屢遭用屈瀕九死而凜凜不撓此其操槩可

得而涯

涖哉

葉竦

字喬新臨川人正德丁丑進士授龍泉令龍泉

為浙西巖邑風氣獷戾竦不隨不激以誠心開諭其民不暮月晝完積欠調劇慈谿竦治慈谿如其治龍泉者闕禱雨雨應拜火火滅士民大異丁外艱歸服闋北上慈谿與餘姚之民在都下者交欲得之銓部兩無所聽補竦常山常山之民戴之無異二縣蓋竦更三縣率前人以為難而竦輒著績效故後來言治民推竦焉竦在常山不滿歲陞刑部主事得疾歸卒

葉夢淇

崑山人正德中知衡州府廉能公正治民如治家惟玩法怙終者則必不貸以疾卒於官

貧無斂具僚屬助其喪歸闔郡悲之



**葉鳳靈**

字昌韶初授新城教諭課諸生講解作文具有程度尤為提學蕪公所重常以自隨俾閱

諸士子卷聘典四川文衡校閱精審正德壬戌以例上春官登進士嘗詣方石謝公觀案上書目曰了此庶可以無負矣尋拜南京刑部主事已而丁內艱歸無何卒謝公為誌其墓

**葉照**

字景陽慈谿人嘉靖癸未進士歷都御史

**葉國華**

字尚賓興國人嘉靖壬辰進士歷府尹

**葉溥**

龍泉人嘉靖五年由郎中出守大名性剛介自持務廉白寡言笑雖察佐間事之如大父也不

敢干以私境內肅然郡庭中常空盡日可羅鳥雀宴宿客魚一盃菜菓一盃酒數行輒止費不過數十錢以上隨至官唯兩童子琴書一挑而已去郡之日亦如之人呼為葉青天云

葉經

字叔明上虞人嘉靖壬辰進士任御史癸卯主試山東以文字譏諷廷杖卒隆慶初贈太常少

卿廕子速周

詹事府錄事

葉鏜

字汝聲上饒人嘉靖辛丑進士歷刑部侍郎

聶

河東徵音衛大夫食采於聶因氏焉又望出新安

周聶政

軹人戰國時濮陽嚴仲子與韓相俠累有隙欲報之聞政勇敢乃奉黃金百鎰為政母壽政以母在不許及母死獨行仗劍刺殺俠累因自皮面抉眼而死

漢

聶良

潁川太守

聶尚

護羌校尉

聶壹

雁門馬邑豪也

三國聶友

字文悌豫章人吳將軍討珠厓

聶熊

中書令

聶師道

之入吳為國師號問政先生時有于方外為荆南書記棄妻入太白山學養氣之術師道從

唐聶夷中

擢進士有詩名傷田家二月賣新絲五月糶新穀醫得眼前瘡剗却心頭肉我願君王心

化作光明炬不照綺羅筵偏照逃亡屋孫元憲謂其有三百篇之旨

聶從義

討論制度造祭器

宋

**聶崇義**

洛陽人舉三禮五代時累官博士校定公羊春秋周顯德中進司業兼太常博士世宗以

宗廟祭器漸失規式命檢討纂書以聞宋初又上三禮圖凡宗廟禮制多所更定

**聶子述**

字善之南城人紹熙中進士官至吏部侍郎尋以制置使出帥西蜀勲名益著已而致政

歸適有盜殺郡守朝廷遣將屠城子述單騎至麾下力陳民寃乃止殺其渠魁民賴以安卒謚

定文

**聶昌**

字賁遠臨川人本名仁大觀初進士欽宗謂其有周昌抗節之義改名昌拜同知樞密院奉使

金國至絳州遇害建炎中贈觀文殿大學士諡忠敏

**聶致堯**

邵陽人事親孝臨財廉周給貧困邦人義之列舉孝行節義十事守宰以聞詔表其門張

試為題

其額

聶厚載

皇祐中知秀州以循政聞

聶冠卿

字長孺新安人慶歷中為內翰知貢舉得楊賞王珪韓終王安石等景祐中鑄編鐘成上

命馮元冠卿  
宋祁修樂書

聶山

有讀書堂在新昌慶門院自序云頃歲讀書於此面方池池畔有竹百餘竿一日洪少穎見訪

題小詩壁間比家恩自都司除河南漕挈家新昌尋小穎題已漫滅矣追憶其韻乃和三絕官

至樞

密

聶天驥

五臺人至寧初進士累官京兆治中尋為衛州行尚書六部事哀宗遷歸德天驥留汴中

崔立變天驥被創甚其女舜英謁醫  
救療天驥死舜英葬之明日亦自縊

聶珪

平定人授都元帥總管平定等處兵馬  
有學行從憲宗下蜀後為平江路治

本  
聶輝

者亦平定人累官兵工二部尚  
書後以陝西行省叅政致仕

聶炳

至正間知荆門州適江漢賊起荆門  
募土兵復荆門及江陵未幾賊復來

晝夜  
召

力戰城陷被執  
罵不絕口遇害

聶從政

大德中守南豐州其巡行境內必自齎糧清  
苦而能持久夙興晏罷修水利盡地力旱饑

有  
備

明  
聶震

長山人洪武中登進士第歷官戶部  
員外郎端謹有守後陞本部左侍郎

聶循

江西人永樂進士

聶好謙

字用美豐城人永樂進士知廣州會斗洞山民嘯聚好謙往撫之賊皆感泣歸歎遇寇圍城謙與布政戴弁發官粟賑之全活者衆病卒於官都御史楊信民哭之曰平生兩行淚深為

越人傾

聶用人

豐城人正統間以監察御史出同知邵武府事公平廉介撫民有方

聶大年

臨川人一目重瞳穎悟絕人以詩文名善書得李北海筆法宣德末薦授仁和縣學教諭

教用有成士類振起景泰中以修史徵入翰林

聶蒙昌

豐城人天順進士

聶賢

字承之長壽人弘治進士歷副都御史巡撫南  
贛老成安靜均平里甲作興學校士民德之累

官刑部

尚書

聶豹

字文蔚永豐人正德進士歷官兵  
部尚書太子太保贈太保諡貞襄

聶瑄

字廷器平原人正德  
丁丑進士歷少卿

聶靜

字子安永豐人嘉靖乙  
未進士歷儀制郎中

聶瀛

字汝登新河人嘉靖  
庚戌進士歷叅議

涉

周涉佗

晉大夫



涉閻

秦將

涉賓

晉邯鄲  
午家臣

晉  
涉正

神仙  
傳

宋  
涉緯

太平  
登科

接

周  
接予

齊人著書二  
篇道家者流

漢  
接昕

著書十篇見  
三輔決錄

明  
接武

莒州人正德中  
舉人任知縣

接廷瑞

諸城人正德中兩淮定豐倉副使

英

音頰風俗通英成偕子晉大夫也

漢

藝文志有英氏春秋

晉

王僧孺百家志荀永之娶平陽英氏

明

英斌

六安人宣德中任長陽縣丞

俠

音夾即英氏

周

俠累

韓大夫

漢

俠都敵

見急就章

宋

俠亶郎

中

捷

曹姓邾公子捷之後

周

捷子

六國時人著  
捷子三篇

輒

風俗通衛出公之後

漢

輒終古

開封人

夾

春秋有夾氏

夾允

性敏而貧求仕  
任陳州司獄

鄴

風俗通

漢  
鄴鳳梁  
令

涅

唐  
涅禮  
都督  
松蕃

帖

明  
帖晏  
馬平人  
龍川縣知縣  
正德中

攝

周  
攝叔

挽

明 倪大倫

宣府人持詔  
往諭佛蒜國

妾

漢 妾胥

妾志

見印

業

見姓苑

十七洽

法

扶風徵音齊襄王名法章支孫以名為氏

漢 法雄

字文彊扶風郿人初仕郡工曹除平氏長擢宛  
陵令永初二年征海寇張伯路等轉青州刺史

平東萊寇有功遷南郡太守斷獄省少戶口益  
增郡濱帶江河有雲夢數澤多虎狼吏驅民往  
捕之民患其擾雄乃移書曰凡虎狼之在山林  
猶人之居城市至化之世猛獸不擾皆由恩信  
寬澤仁及飛走太守雖不德敢忘斯義其毀檻  
阱破機械勿妄捕山林是後虎害頓息人以獲  
安

### 法真

字高卿郿人博學通圖曲為關西大儒弟子自  
遠方至者數百人前後四徵不屈號玄德先生

### 三國法正

字孝直郿人從漢照烈平蜀為太守終尚書令  
昭烈東征敗績諸葛亮嘆曰孝直若在必能制

主上東行不至傾危  
也孝直正之字也

### 明法威

南召人正統中直  
隸豐潤縣學教諭

法愷

丹徒人嘉靖中  
保定府通判

邾

周成王定鼎於邾居此者以地為氏又望出滎陽武

周

邾張

鄭大夫

唐

邾滂

光化中為六合宰嘗作懷古詩五十首叙靈巖  
則曰巖峻嘗有靈瑞叙龍津則曰士馬更戍往  
來若儒學士林館龍池昌市樓等處皆有題咏  
意滂必文采風流之士當時之民被和平之化  
矣惜其政事無傳

詩之存者載詩紀

宋

邾亶

字正夫開封人皇祐進士自幼讀書識度不凡  
初授睦州團練推官歷陳天下理財省費興利  
除害之策入

為太守丞

郊喬 字子高 夏之子 負才挺特 為王安石所器許 鄉里推重 謂之郊長官

郊良

郊修輔 俱吳興人 元豐登科

郊表 歸安人 元符登科

郊汝云 歸安人 紹興登科

郊升卿 字師古 紹興進士 知常徽二州

郊晉卿 字師望 乾道進士 俱崑山縣人

郊嘉謀 歸安人 大觀間登科



郊元鼎

字寶之宜春人受學鄉先生鄭銓精於經傳博學洽聞稍試不中第教授鄉郡後卒無子

其所受業門人宦達去者猶歲時上其塚

明郊貴完

浙江人洪武初任南康知府

郊鼎

字薦和常熟人嘉靖己丑進士歷按察副使

郊實

常熟人嘉靖進士刑部郎中

甲 郊大夫甲石甲之後

明甲聰

邢台人宣德中序班

萬姓統譜卷一百二十四

欽定四庫全書

子部

萬姓統譜卷一百二十五

六

詳校官中書臣徐志晉

主事臣祁韻士覆勘

總校官知縣

臣

楊懋珩

校對官中書

臣

李巖

騰錄監生

臣

于希賢

欽定四庫全書

萬姓統譜卷一百二十五 明 凌迪知 撰

上平聲

一東

東方

濟南羽音伏羲之後帝出于震是為東方因氏

東方朔

平原厭次人武帝時上書稱旨待詔公車金馬門以恢諧得親幸累遷大中大夫給事中時

有正諫法言以為滑稽之雄

南東方光

豫州人起兵討侯景

唐東方虬

武后朝為左史工詩

東方顯

開元中含象亭十八學士中人

宋

東方暉

開封人熙寧登科

東方穎叔

梓州人嘉祐登科

東方覲

天聖間知定海軍事

明東方正

樓霞人洪武中任石屏州知州

東方耀

字韞中吳江人洪武十一年任本學訓導

東里

姬姓鄭大夫子產居東里因氏焉

三國東里昆

南陽太守

東里充

見魏志

東里寯

秦人

東里衮

東陽太守

東鄉

宋大夫東鄉為人之後

漢 東鄉子琴 高密人并州護軍

唐 東鄉助 著周易物象什疑一卷

明 東鄉魏 丹稜人嘉靖中廣西平南縣訓導

東野

周 東野畢弋 見家語

東野稷 見莊子

東閭

周 東閭子 嘗富貴後乞食于道曰吾為相六年未嘗薦一士見說苑

東郭 姜姓齊公族桓公之後

周東郭書

齊大夫  
見左傳

東郭賈

齊人

東郭子方

魏文侯  
時人

東郭牙

齊臣犯顏進諫不避死亡  
不撓富貴立為大諫之官

東郭惠

見說苑

東郭咸陽

漢武棺  
財吏

東郭延年

太始人能行容  
成御婦人術

東門

姬姓魯莊公子遂字襄仲居東門因氏焉

漢東門雲

荊州  
刺史

東門京

善相  
馬

東門吳

晉  
東門奐 守蘇州又歷  
濟陰太守

東宮

周  
東宮得臣 齊大夫後隱嵩  
山年三百歲

東關

周  
東關嬖五 晉人

漢  
東關義 將軍北  
亭侯

東陽 出東陽郡見姓苑

南  
北東陽無疑 為散騎侍郎撰  
齊諧記七卷

宋 東陽厲武陵太守

東樓妣氏少康之後支孫封為東樓公因為東樓氏

周 東樓羽祀大夫

公父姬姓魯季悼子之子靖字公父之後

周 公父文伯魯大夫悼子子孫母敬姜有賢德

公之姬姓季悼子之子鞅字公之之後是也

周 公之魚魯大夫

公士右爵也久居是爵者子孫氏焉



漢  
公士不害  
功臣封  
四代

公伯

周公伯僚

魯人仲尼弟子

公西

見姓苑

周公西箴

魯人孔門弟子為魯邦之望後世追封徐城侯

公西赤

魯人孔門弟子能習禮樂孔子嘗使之言志對曰宗廟之事如會同端章甫願為小相焉

後世追封

鉅堊侯

公西輿

字子之魯人孔子弟子

公冶

見通志

周公治長

齊人孔子弟子子謂其雖在縲絏之中非其罪以其子妻之後世追封高密侯

明公治志

高密人洪武中以人材任右僉都御史

公祖

見通志

周公祖句茲

魯人孔子弟子有今儀後世追封即墨侯

公祖子之

孔子弟子子之即句茲字

公羊

頓丘商音

周公羊高

子夏弟子著春秋

公良

見通志

周公良孺

魯人仲尼弟子

公戶

漢公戶滿意

高堂生弟子禮官大夫

公師

南公師藩

梁將軍

公師隅

粵人

公肩

周

公肩定

孔子弟子

公齊

見通志

周 公齊定

仲尼  
弟子

公族

漢

公族進階

北海人危言深  
論人服其高

公山

見通志

周 公山不狃

季氏宰

公牛

周 公牛哀

公儀

見通志

周

公儀僭

魯人砥功礪行樂道好善恬於榮利不事諸侯子思與之為友

公儀休

魯人相穆公嘗拔園葵出織婦奉法循理無所變更百官自正使食祿者不得與下民爭

利受大者  
不得取小

公儀仲子

魯人見禮記

公緒

漢

公緒恭

八及中人

公沙

見通志

漢

公沙穆

字公義北海膠州人桓帝時遷弘農今有螟虫食稼乃設壇謝曰百姓有過罪穆之由請

以身禱於是暴雨既霽而  
螟虫自消百姓稱曰神明

公沙孚

穆子字允慈亦為善士舉  
孝廉尚書侍郎上谷太守

公玉

見通志

漢  
公玉帶

濟南人武帝封泰山欲作明堂未曉其制玉  
帶進黃帝明堂圖上從之乃作明堂如其圖

制

公叔

姬姓衛獻公之子嘗字公叔之後

周公叔文子

衛人即公孫枝仕為大夫為人廉靜時稱  
其不言不笑不取嘗薦家臣僕為大夫同

升于公朝卒謚貞惠文  
子孔子稱其可以為文

公叔務人

魯大夫

公叔痤

魏相薦  
公孫鞅

宋

公叔端明

皇祐中左朝請  
大夫知撫州

公孟

姬姓衛公孟縶之後

周  
公孟子高

嘗問君子之禮於顓孫子莫子莫曰去而外厲與爾內折色勝而心自取之公孟不

知以告曾子曾子曰大哉言乎夫外厲者必內折色勝而心自取之者必為人役是故君子德行成而容不知聞識博而辭不爭知慮微達而能不愚

公若

叔孫氏之族

公若藐

魯人

公明

周公明賈

衛大夫

公明儀

南武城人嘗誦周公之言曰文王我師也周公豈欺我哉檀弓曰子張之喪公明儀為志

焉褚幕丹質蟻結于四隅殷士也  
開公明儀尊其師亦為子張門人

公明高

南武城人長息問舜往于田號泣于旻天于父母高曰是非爾所知也孟子曰夫公明高

以孝子之心為不若是忍我竭力耕田供為子職而已矣父母之不我愛於我何哉

公明宣

南武城人學于曾子三年不讀書曾子問之宣曰夫子居庭親在叱咤不及于犬馬應賓

容恭儉而不懈惰居朝廷臨下而不毀傷三者宣悅之學而未能也安敢不學乎



公文

周公文要

衛大夫

公上

漢公上不害

晉公上延孫

永泰中南沙令王敬則反遣人殺延孫延孫以兵應之敬則平贈為射聲校尉

公皙

周公皙哀

字季次齊人天下多仕於大夫為家臣季次鄙之未嘗屈節於人孔子歎之唐贈郟伯宋

封北海侯

公夏

周公夏首

字子乘魯人唐贈元父伯宋封鉅平侯

公都

周公都子

孟季子問公都子曰何以為義內也曰行吾敬故謂之內也嘗問孟子好辨孟子曰我欲

正人心息邪說距詖行放淫辭豈好辨哉予不得已也及論性告之曰乃若其情則可以為善矣乃所謂善也

公正

古官名其後氏焉

宋公正範

吳人朝邑令

公子春秋時外國公子之後

周公子荆

衛人仕為大夫其為居室始有曰苟合矣少  
有曰苟完矣富有曰苟美矣無欲速盡美之

心孔子稱其善居室吳  
季札以為君子人也

公子貞

公子格楚人

公孫高陽宮音黃帝太岳之後

周公孫枝

岐州人秦穆公大夫能  
知人舉善君子謂其忠

公孫無知

齊公子莊公十一年無知弑其君襄公先  
是襄公使其大夫連稱管至父戍葵丘期

至弗代故謀作亂無知僖公母弟夷仲年之子  
初有寵於僖公衣服禮秩如適襄公繼之故二

人因之以作亂乃弑公而立  
無知後為齊大夫雍廩所殺

公孫段

字伯石鄭  
人為大夫

公孫衍

魏之陰晉人號犀首為秦說齊魏攻趙破蘇  
秦從約與張儀不善而去秦儀卒復歸秦秦

欲相之為甘茂  
所間復之魏

公孫黑肱

字子張鄭大夫以疾歸邑於公曰吾聞之  
生於亂世貴而能貧民無求焉可以徒亡

敬共事君與二三子  
生在敬戒不在富也

公孫杵臼

晉人為趙朔客屠岸賈誅朔杵臼謂朔友  
程嬰曰胡不死嬰曰朔婦有遺腹若男我

奉之故不死也及生男賈聞而索之杵臼曰立  
孤與死孰難嬰曰立孤難耳杵臼曰我為其易

者乃取他人兒匿山中使嬰謬呼曰與我千金  
吾告趙氏孤處賈諸將隨嬰收杵曰杵曰謬曰  
小人哉程嬰縱不能立孤而忍賣之乎遂殺  
杵白及孤兒其趙氏真孤乃在程嬰處也

公孫與女

孔子弟子

公孫歸父

公孫歸父有寵于宣公欲去三桓與晉  
謀伐之會宣公卒季氏怨歸父遂奔齊

公孫彊

曹伯伯陽好田弋野人公孫彊亦好田弋獲  
白雁而顧之伯陽因訪政事大說之使為司

城聽國政而致

宋景公城曹

公孫龍

在趙虞卿欲以信陵君之存邯鄲為平原君  
請封公孫龍聞之夜駕見平原君曰龍聞虞

卿欲以信陵君之存邯鄲為君請封有之乎平  
原君曰然龍曰此甚不可且王舉而相趙者趙

乃以若為親戚故也。今信陵君存邯鄲而請封，是親戚受城也。此甚不可。且虞卿操其兩權事，成操右券以責事，虛名德君，君必勿聽也。平原君遂不聽虞卿厚待。公孫龍龍善為堅白之辯，及鄒衍過趙言之，趙乃絀公孫龍。

**公孫僑**

字子產，為鄭大夫。晉楚不能加，以乘輿濟人於溱洧。孟子曰：惠而不知為政。

**公孫鞅**

衛人，衛之諸庶孽公子也。少好學刑名之事，入秦見孝公，三見而說，以伯道公與語，不自

知，鄰之前於席也。語數日不厭。

**公孫舍之**

鄭大夫，字子展。成公之孫子罕之子。簡公三年，楚伐宋，衛侯救宋師于襄牛。子展曰：

必伐衛，不然是不與楚也。得罪於晉，又得罪於楚。國將若何？子駟曰：國病矣。子展曰：得罪於二

大國必亡病猶不愈於亡乎諸大夫皆以為然故使皇耳帥師侵衛

公孫歸生

號聲子字子家太師子朝之子也初伍參與子朝友其子伍舉與聲子相善伍舉娶

於公子牟公子牟為申公而亡楚人曰伍舉實送之伍舉奔鄭將逐奔晉聲子如晉遇之於鄭郭班荆相與食而言復故聲子曰子行矣吾必復子泌之戰晉師敗績參死伍舉以公子牟故奔晉以聲子力得復于楚

公孫丑

齊人嘗慕管晏之功以期孟子孟子曰管仲曾西之所不為也而子為我願之乎因問不

動心於孟子孟子曰我知言我善養吾浩然之氣

公孫免餘

衛大夫獻公時甯喜專公患之公孫免餘請殺之乃與公孫無地公孫臣謀使攻甯

氏弗克皆死公曰臣也無罪父子死余矣免餘  
復攻甯氏殺甯喜及右宰殺尸諸朝公與免餘  
邑六十辭曰唯卿備百邑臣六十矣下有上祿  
亂也臣弗敢聞且甯子惟多邑故死臣懼死之  
速及也公固與之  
受其半以為少師

漢

公孫闕

平帝時為琅琊太守時太后臨朝王莽秉政  
方欲文飾太平使使者分行風俗采頌聲闕

獨言災害於公府大司空甄  
豐劾闕空造不祥下獄論死

公孫臣

魯人漢文帝十二年上書曰始秦得水德及  
漢受之推終始傳則漢當土德土德之應黃

龍見宜改正朔服色尚黃明年黃龍見成紀帝  
于是詔公孫臣拜為博士與諸生申明土德草

改歷服  
色事



漢

公孫述

哀帝時為清水長太守以其能使兼攝五縣政事修理奸盜不發

公孫昆

義渠人景帝時為隴西守以將軍擊吳楚有功封平曲侯著書十五篇

公孫賀

昆邪孫少為騎士武帝即位遷至太僕後以車騎將軍從大將軍衛青出戰有功封南甯

侯後八歲遂代石慶為丞相子敬聲代為太僕父子並居公卿位

公孫詭

齊人梁孝王招延豪傑詭以奇邪計見王賜千金官至中尉後王入朝景帝迎王既朝上

疏因留入則同輦出則同車帝欲以王為嗣袁盎中沮之乃辭歸後立膠東王為太子王怨盎與詭陰謀刺盎賊未得也天子意為梁使遣使按梁事詭自殺

公孫弘

菑川人家貧牧豕海上年四十餘乃學春秋雜說武帝初舉賢良對策第一拜博士待詔

金馬門元朔中為丞相封平津侯開東閣以延賢人與參謀議身食一肉脫粟飯俸祿皆以賓

餘皆  
客家無

公孫度

襄平人父延避吏居玄菟度初為尹玄菟吏後舉有道累官遼東太守東伐高句驪西擊

烏桓南越海取東萊諸縣威行海外自立為遼東侯平州牧曹操表度為永康鄉侯度曰我王

遼東何永康也藏印綬武庫卒子康嗣魏封為襄平侯

公孫瓚

遼西令支人仕為郡書佐郡守劉道器之妻以女後守坐事徵詣廷尉當徙日南瓚具饌

祭其先人祝曰日南多瘴氣或恐不還與先人辭於此再拜而去道遇赦還瓚舉孝廉為遼屬國長史光和中將兵伐張純於漁陽以功遷騎都尉封都亭侯屬國長史皆乘白馬烏桓畏之

更相告曰避  
白馬長史

公孫松

會稽人司隸  
校尉有行業

公孫文

琅邪人與東閣  
雲學公羊春秋

三公  
公孫恭

度弟康死子晃淵皆少衆立恭為遼東太守  
魏文帝拜為車騎將軍封平郭侯初恭病除

消力弱不能治國淵長乃脅奪恭位後自立為  
王尋為司馬懿所滅自度至淵三世凡五十年

晉

公孫朔

平原  
太守

公孫鳳

字子王隱于昌黎之九城山  
山谷彈琴吟詠陶然自得

公孫永

字子陽隱于平郭南山吟詠巖間欣然自  
得年踰九十操尚不虧謚曰崇虛先生

公孫五樓

慕容超大將劉裕討超樓請斷大  
峴壁清野以待超不聽乃敗

南  
北  
公孫表

字玄元燕郡廣陽人為慕容冲尚書郎慕容垂破長子從入中山慕容寶走乃歸為博士

初道武以慕容垂諸子分據勢要權柄推移遂至亡滅表詣闕上韓非書二十卷道武稱善明

元初賜爵

固安子

公孫軌

字九慶表之子明帝時為中書郎出從征討為諸軍司馬太武平赫連昌引將帥入其府

藏倉闕  
把手闕

意取金玉諸將取之盈懷軌不取帝之謂曰卿臨財廉朕所以增賜

者欲顯廉於衆人後兼大鴻臚持節拜立氏楊玄為南秦王及境玄不郊迎軌數玄無藩臣禮玄懼詣郊受命使還稱旨拜尚書賜爵燕郡公出為虎牢鎮將

公孫良

所  
處之子字遵伯聰明好學為書左丞為孝文所知遇良弟衡字道津良推爵位之仕至司

直良以別功  
賜爵昌平子

公孫質

字元直，軌之弟。有經義，為中書學生。稍遷博  
士。太武征涼州，留宜都王穆壽輔。景穆時，蠕

蠕乘虛犯塞，京師震恐。壽雅信任質，為謀主。質  
性好卜筮，卜筮者咸云必不來，故不設備。由質

幾敗國，後屢進公言，起遷  
尚書卒，贈廣陽侯，謚曰恭。

公孫邃

字文慶，質之子。位南部尚書，封襄平伯。出為  
青州刺史，以邃在公遺迹，可紀。下詔褒述，卒。

官孝文在鄴  
官為之舉哀

公孫景筏

字元尉，阜城人。魏伊州刺史，在  
官。公清以疾徵，吏民號泣于道。

公孫僧遠

會稽剡人也。居喪至孝，事母及伯父甚謹。  
年飢，僧遠省餐減食，以養母及伯父兄弟。

亡貧無以葬身闕 恥與隣里供斂送終之費躬負土手種松柏兄妹未婚嫁乃自賣為之成

禮名聞郡縣高帝即位遣散騎常侍虞炎等十二部使行天下建元三年炎等表僧遠等二十

三人詔竝表門閭蠲租稅

唐公孫羅

江都人唐時官沛王府參軍無錫丞曹憲以梁昭明文選投諸生羅與魏模李善相繼傳

授於是其學大行羅有文選註文選音義

公孫武達

博陽人以豪俠稱唐初起兵武達至長春官上謁從秦王討劉武周苦戰功多累遷

秦府右三軍驃騎封清水縣公

宋公孫尚

漢州人元祐登科

公孫一

眉州人淳熙進士

元 公孫輔 德陽人至  
正進士

公孫昂雲 蘭陽人  
能詩

明 公孫讓 鹽城人洪武中任安吉縣知縣  
公平執法人莫敢犯因圍裁空

公孫聯芳 垣曲人宣德丙子舉  
人任直隸獻縣教諭

公乘 古爵也久居是爵者子孫氏焉

漢 公乘時慶 淳于  
意師

公乘翽 更始中郎將  
左府都尉

公乘昕 上黨人  
中常侍

公乘陽慶 臨淄人精於醫年七十餘無子喜淳于意  
教之曰陽慶有古先道遺傳黃帝扁鵲之

脉書五色診病知人死生決嫌疑定可否及藥  
論書甚精我家給富心愛公欲盡以我禁方悉

教公於是意學之

三年醫道遂精

唐

公乘億

字壽山咸通宏詞進士第  
有朱才集一卷見藝文略

公乘武

公乘舜

宋

公乘良弼

相州人嘉祐登科

公乘博文

東平人建炎登科

公冉

公冉務人

齊宰殺惠公奉其帑以奔蔡

公賓

周

公賓庚

衛大夫



漢公賓就 北海人校尉斬王莽首傳于兄

公歛

公歛處父

公歛陽 俱谷大夫

終利 嬴姓與秦同姓

漢終利恭 安平今

工尹 楚工尹壽之後

周工尹齊

工尹 闕

工尹赤

工尹 闕

工尹商陽

楚人竝見左傳

工尹

闕

工尹襄

司馬

工尹路

楚大夫靈王將求鼎於周求田於鄭路曰君王命剝圭以為鍼秘敢請命士人視之書語

左史倚相倚相誦祈招之詩王饋不食寢不寐數日不能自克以及於難

工婁

左傳遂國有工婁氏

周工婁齊

齊大夫

工婁洒

逢門

漢逢門子豹

著兵法見漢書

桐里 見英烈傳

漢 桐里斥生 御史中  
謁者

晉 桐里夫 河東人  
博昌令

弓里

漢 弓里戍 騎都尉建武二年將兵平定北  
州歷訪英俊薦溫序為侍御史

弓里游 見容齋  
隨筆

工師

漢 工師喜 見容齋  
隨筆

東陵

風俗通東陵侯邵平子孫氏焉又東侯聖廣陵人

通社氏

公石

姬姓悼公子堅字公石之後也

公索

魯有公索氏將祭而亡其姓見家語

公慎

魯有公慎氏

公輸

魯公輸般之後

公罔

仲尼時魯有公罔氏

公南

姬姓衛獻公之子楚字公南生子牟為公南氏

公析

姬姓衛公子墨背字子析之後

終右

風俗通終右桀內外也因氏焉

終葵

左傳商人七族有葵氏

醜夷

左傳祝融董父之後為醜夷氏

逢丘

見姓苑

逢孫

英賢傳齊大夫逢孫之後

同蹄

見姓苑

桐門

子姓左傳宋樂大心為右師食采桐門因氏焉

鈞陵

呂氏春秋有鈞陵悼子

戎子 戎子駒支之後

二冬

冬日 晉趙衰之于人如冬日可愛故因氏焉

鍾離 姬姓即鍾氏以伯州犁居鍾離故曰鍾離

周鍾離于昧 齊賢人

鍾離山 楚人撰會稽後賢傳

漢鍾離意 字子阿山陰人舉孝廉累官至尚書交趾太守張恢坐贓籍其家後詔賜羣臣意得珠璣

悉以委地明帝問故曰贓穢之寶誠不敢拜帝歎曰清乎尚書之言乃更賜以庫

鍾離權 咸陽人生而奇異美髯俊日身長八尺餘棄世事於縣東四十里正陽洞修煉登仙

三 鍾離牧

字子幹永興人躬自墾田種稻臨熟縣民有識認者牧以稻與縣人仕吳遷中書令嘗為

南海太守操行清純有古人風及卒家無餘財

鍾離緒

樓船都尉會稽人

鍾離狗

牧子吳偏將軍晉平吳狗臨陣戰死

宋 鍾離松

字其紹紹興十八年登進士第乾道間以朝請郎知興化軍事為人退然自下治郡如治

劇邑窮日之力而繼以火善馭吏如造父之於馬善牧民如卜式之于羊嘗奏蠲民租詔為盡之除

鍾離瑾

字公瑜合肥人舉進士知德化縣將嫁女市婢得前令女遂與已女同嫁夜夢綠衣丈夫

拜謝且曰請命于帝奉十任有上官後歷十郡太守終江淮發運使子孫衣冠不絕

鍾離景伯

元豐間  
知建州

鍾離常

山陰人  
中進士

鍾吾

左傳鍾吾子之後

漢

鍾吾蒼

尉氏  
今

封父

夏商國名

周

封父真

鄭大  
夫

封人

守封畿之官其後為氏

漢

封人嬰

司空  
掾

封具

姬姓鄭公子具食采開封因氏焉



封具狐父

鄭大夫

龍丘

見風俗通

漢龍丘萇

太末人隱居山中義不降辱王莽連辟不至更始初任延為會稽都尉掾吏白請召萇延

曰龍丘生躬德履義有伯夷原憲之節遣功曹奉謁使相望於道歲餘乃詣府拜儀曹祭酒

雍人

周禮雍人以官為氏

周雍人鬲

雍人檀

見左傳

雍丘

晉雍丘洛

郭默將軍

雍門

齊頃公之子公子勝奔雍門故以為氏

周雍門子秋

齊人見說苑

雍門周

以鼓琴于孟嘗君見戰國

空相

史記商后有空相氏

晉空相機

惠帝時人

宗正

本劉氏楚元王交之孫劉德為宗正之孫氏焉

唐宗正辨

濟陰人殿中少監

熊相

半姓英賢傳楚熊相宜僚之後

周熊相祁

楚懷王將軍

中叔 中叔圍之後

周  
中叔无忌 晉人

漢  
中叔僚 光武時  
侍御史

中行 晉公族隰叔之後荀林父將中行故曰中行氏

漢文帝時有宦者中  
行說燕人使匈奴

中野 子姓潛夫論宋微子之後

周  
中野彪 楚文王  
御史

紅陽 見姓苑

大正...

萬姓統譜

五

漢紅陽長

見容齋隨筆

鍾葵

左傳商人七族有終葵氏

鍾古

風俗通鍾古桀內史也因氏焉

空同

世本云子姓蓋因空同山也

空桑

英賢傳云伊尹生于空桑支孫氏焉

熊率

羊姓左傳衛大夫熊率且比之後

共叔

姬姓鄭武公之子共叔段之後

容成

古容成子造歷神仙傳有容成公

中英

虞舜有五英樂掌中央者因以為氏

中壘

風俗通劉向為中壘校尉因氏焉

中梁

英賢傳古隱者中梁之後

莪春

見姓苑

萬姓統譜卷一百二十五